

BOSNA I HERCEGOVINA

FEDERACIJA BOSNE I HERCEGOVINE

SREDNJOBOSANSKI KANTON/KANTON SREDIŠNJA BOSNA

KANTONALNO TUŽILAŠTVO/KANTONALNO TUŽITELISTVO

TRAVNIK

Broj: T06 0 KTRZ 0006301 12

Travnik. 12.03.2014.godine

KANTONALNOM SUDU U NOVOM TRAVNIKU

Sudiji za prethodno saslušanje -

NOVI TRAVNIK

Na osnovu odredbe člana 45. stav 2. tačka i) i odredbe člana 241. stav 1 ZKP-a FBiH, podižem:

OPTUŽNICU

PROTIV:

1. Š. M., rođen 1972.godine u Kiseljaku,
- 2.M. D. rođen 1973.godine Sarajevu,
- 3.D. B., rođen 1961.godine u Kiseljaku,
- 4.D. LJ. rođen 1956.godine u Kiseljaku,

ŠTO SU. Kršeći pravila Međunarodnog prava sadržana u III Ženovskoj konvenciji o postupanju sa ratnim zarobljenicima od 12.augusta 1949.godine, Dopunskog protokola o zaštiti žrtava nemeđunarodnih oružanih sukoba (Protokol II) uz navedenu Konvenciju, za vrijeme oružanog sukoba u R Bosni i Hercegovini između Armije R Bosne i Hercegovine i Hrvatskog vijeća obrane u junu mjesecu 1993.godine, kao pripadnici postrojbi HVO Kiseljak „Josip ban Jelačić“, postupali protivno članu 3. stav 1. tačka a) III Ženevske konvencije i člana 4. stav 1. i 2. tačka a) dopunskog Protokola II na području mjesta Behrići, općina Kiseljak, nečovječno postupali nanoseći tešku duševnu, tjelesnu patnju i povrede koje predstavljaju ozbiljan nasrtaj na ljudsko dostojanstvo prema ratnim zarobljenicima, kojom prilikom je izvršeno ubistvo jednog zarobljenika, tako što su:

Dana 01.06.1993.godine u prijepodnevnim satima u mjestu Behrići, općina Kiseljak, nakon napada postrojbi HVO Kiseljak „Josip ban Jelačić“ na naselje Behrići i naselje Gomionica općina Kiseljak, nakon što su za sada nepoznati bojovnici, pripadnici navedene postrojbe, zarobili K. V., te istog vezali liscama, M. Š. koji je bio dozapovjednik Prve satnije je zarobio H. R. pripadnika oružanih snaga Armije RBiH-TO Behrići kome je tom prilikom naredio da odloži pušku M-48 zv. „Tandžara“ i prilikom pretresa istog skinuo mu bombu sa vojničkog opasača, nakon čega su ga bojovnici postrojbe HVO Kiseljak „Josip ban Jelačić“ doveli do ranije zarobljenog K. V., koji je bio vezan

lisicama, zatim im vezali ruke jednim parom lisica i tako vezane jedan uz drugog bjesomučno udarali rukama i nogama po svim dijelovima tijela, čime su kod K. V. i H. R. izazvali veliku fizičku bol, duševnu bol zbog osjećaja bespomoćnosti i bezizlazne situacije u koju su bili dovodeni zarobljavanjem, kada ih preuzima bojovnik – snajperista postrojbe HVO „Josip ban Jelačić“, V. K. zv. „\*\*\*“ (koji je trenutno nedostupan državnim organima, za kojeg je određen pritvor Rješenjem broj:06 O K 006641 14 Kpp od 03.02.2014.godine koji se ima računati po pronalasku i lišenju slobode i raspisana međunarodna potjernica Naredbom broj:t06 O K 006641 14 Kpp od 05.02.2014.godine Kantonalnog suda u Novom Travniku), te ih tako svezane vodi do kuće B. O., pa nakon što su uvedeni u podrum pomenute kuće radi provjere da li se u istom nalazi bilo kakvo naoružanje pripadnika Armije RBiH, a za koje vrijeme su ih stalno ispitivali o stanju ljudstva na linijama razdvajanja, neprestano ih udarajući, odveli na sprat iste kuće, gdje zarobljene K. V. i H. R. uvode u sobu, da bi ubrzo u istu sobu bio doveden P. M. zv. „\*\*\*“ pripadnik Armije RBiH kojeg su dozivali zarobljeni K. V. i H. R. po naređenju bojovnika HVO, a nadajući se da izvršanjem tih naredbi neće ugroziti svoje živote, pa kada su sva trojica zarobljenih lica bili u sobi kuće B. O., udaranjem, psokama, skidanjem uniforme Armije RBiH, tjeranjem da jedu bosnski novac kojeg su bojovnici pronašli u hlačama H. R. psujući im Aliju, nanosili im velike patnje i ozljede tijela, nakon čega su zarobljene K. V., H. R. i P. M. iz navedene kuće izveli na prostor dvorišta kuće O. M. koja je bila u plamenu, a bojovnik S. R. po nadimku „\*\*\*“ (trenutno nedostupan državnim organima) je P. M. zv. „\*\*\*“ odveo do mjesta gdje je P. M. rekao da je odložio svoju pušku, čime su zarobljeni K. V. H. R. i P. M. zv. „\*\*\*“ razdvojeni, da bi po naređenju bojovnika HVO, među kojima su bili pored za sada nepoznatih bojovnika, M. D., D. B. i D. Lj., zarobljeni K. V. i H. R. vezani na opisani način, morali da legnu na leđa pri čemu su ih bojovnici HVO i dalje udarali po svim dijelovima tijela, dok su bojovnici M. D., D. B. i D. Lj., iako su znali da su pripadnici Armije RBiH H. R. i K. V. zarobljena lica, sve to posmatrali ne učinivši niti jednu radnju kojom bi spriječili napadače na zarobljenike, iako su bili naoružani i bili dužni da kao vojnici-bojovnici spriječe ove radnje nanošenja teških tjelesnih povređivanja i boli zarobljenim K. V. i H. R., da bi čak M. D. sjedeći na udaljenosti od njih nekih pet metara, gledajući u njihovom pravcu, u ruci okretao pištolj usmjeravajući ga u njihovom pravcu, čime je vršio zastrašivanje istih, a na upit nekog od bojovnika da li poznaje zarobljena lica, negirao je da ih uopšte poznaje iako je H. R. poznavao iz perioda kada su išli u osmogodišnju školu, da bi potom ponovo po naredbi bojovnika HVO ustali sa zemlje i u pratnji istih prešli razdaljinu puta do vrha sela Behrići, kojom prilikom je H. R. vidio R. V. (koji je poginuo) i R. R. (koji je trenutno nedostupan državnim organima za kojeg je određen pritvor Rješenjem broj 06 O K 006641 14 Kpp od 03.02.2014.godine koji se ima računati po pronalasku i lišenju slobode i raspisana međunarodna potjernica Naredbom broj T06 O K 006641 14 Kpp od 05.02.2014.godine Kantonalnog suda u Novom Travniku), gdje ih vode prema mjesnom groblju, pa po dolasku do groblja, nakon što su im skinuli lisice sa ruku, naredili su im da legnu potrbuške, te kada su K. V. i H. R. legli na zemlju iz straha za život jaukali, molili ih da ne pucaju, trenutno nepoznati bojovnici među kojima su bili navedeni R. V. i R. R. su pucali prvo u K. V. u namjeri da ga liše života, pogodivši ga u predio kičme i potiljka od kojih povreda je K. V. podlegao na licu mjesta, a nakon što se oglasilo pucanje iz redova vojske Armije BiH sa linije razdvajanja u gornjem dijelu mjesta Behrići, prilikom povlačenja, bojovnici HVO sa navedenim živim R. R. su u namjeri da liše života ispalili metke prema H. R. kojom prilikom su istom nanijete teške tjelesne povrede i to: strijelna rana u području desne sjedalne regije i u području desne natkoljenice i leđa, strijelna rana u području desne potkoljenice, višekomadni prijelom kostiju desne potkoljenice, defekt kosti desne koljenične kosti, ozljeda arterija desne potkoljenice (dvije) i ozljeda dva potkoljenična živca, a koje sve pobrojane povrede sa traumatskim šokom spadaju u kategoriju Teška po život opasna ozljeda, usljed kojih H. R. u polusvjesnom stanju ostao ležati na mjestu ranjavanja, da bi potom dopuzao do linija Armije RBiH gdje je uz pomoć K. L. (poginuo u Varešu 1994.godine) prebačen na područje pod kontrolom Armije RBiH, a tijelo K. V. je po završenim borbenim dejstvima u toku noći preneseno sa mjesta gdje je ubijen na područje pod kontrolom Armije RBiH, da bi istovremeno grupa bojovnika HVO među kojima je bio Š. M. zarobljenom P. M. i dalje nanosili povrede tijela, udarajući ga po cijelom tijelu, prinoseći mu nož uz vrat, na taj način zastrašujući ga radi prikupljanja informacije o tome koliko pripadnika Armije RBiH ima na liniji razdvajanja, da bi P. M. u tom postupku zastrašivanja S. R. zv. „\*\*\*“ (trenutno nedostupan državnim organima) zajedno sa navedenim Š. M. prislonio uz zid kuće koja je bila od čerpića, kada su u njegovom pravcu, a oko njega ispalili više metaka, kojom prilikom malter kuće odronjavao i u oči mu išla prašina, da bi ga potom S. R. nekoliko puta tjerao do mjesta zarobljavanja radi provjeravanja da li u rovovima ima pripadnika Armije RBiH, kada je P. M. u namjeri spašavanja

života odlučio da pobjegne, te je pužeći i skrivajući se uputio prema selu Gomionica, na koji način je i došao do područja koje je bilo pod kontrolom Armije RBiH.

Dakle, kao pripadnici postrojbe HVO Kiseljak „Josip ban Jelačić“, kršeći Pravila međunarodnog prava za vrijeme rata u RBiH skupa sa drugim licima mučili, nečovječno postupali prema ratnim zarobljenicima nanoseći velike patnje i povredu tjelesnog integriteta i zdravlja, pri čemu je izvršeno ubistvo jednog ratnog zarobljenika, K. V.

Čime su kao saizvršioци počinili: krivično djelo Ratni zločin protiv ratnih zarobljenika iz člana 144. u vezi sa članom 22. preuzetog KZ SFRJ